

OMUKWETU

Registered at the General Post Office as a Newspaper

TU KUTHII PO IINIMA TAYI TU IMBI OKUHANGANA

"Otashi vulika tuu aatiligane ya yakulwe komusita omuluudhe miinima yopambepo inaapa ningwa omikalo dhasha dhuufudhime? Uukumwe wopakriste otatu u taambeni tuu pailonga tu egulule omiyelo dhongerki yetu, opo mu hitwe wo kaaluudhe pwaa na tango eziminino lyEpangelongerki? Otwi ilongekidheni tuu okuya kUulalelo Uuyapuki pamwe nomumwameme omuluudhe?"

Ogo omapulo ga holoka mehokololo lyiilonga yomumvo lya amushanga omunene gwoongerki oonkwaluther dha hangana muumbugantu waAfrika, (FELKSA) omusitagongalo K.Schmale.

Moshigongi shika shehangano lyoongerki shokomumvo, moka ongerki yetu yi li wo oshilyo, amushanga gwehangano Schmale mehokololo lye lyiilonga yomumvo okwa pandula kushono sha ningwa po kuungundu wuukomitiye wi ili nowi ili paimpwiyu kwa li we yi pewa.

Amushanga okwa pandula wo kehumokomeho ewanawa miilonga yoongeriki ngashi moonkatu dhokuhangana kumwe (ehangno lyaVELKSWA muSuidwes) nenge opankatu yokuhogolola aawilikingerki aaluudhe (mongerki yaaluudhe mUushimba dr.L.De Vries nomongerki yomoshitopolwa shaKaap naOranje, omumbisofi Dean Brunke).

Nando kwa katukiwa ngeyi komeho, amushanga okwa dhimbulula omikundu dhi-

mwe ndhoka ehanganano lyaFELKSA li na okwiitula mo nokukonga ondjila oku dhi kandula po.

"Onda hala tse atuheni noongerki adhihe dhi li iilyo tu hololeni omukumo gwetu neitaalo lyetu, opo tu sinde uuhethi wetu tau tu imbi okuthika muukumwe washili," osho a ti.

Mekwatathano naashika okwa dhimbulukitha natango omalombwelo goshigongi shika sha tetekelele kuHamanskraal omumvo gwa yi omolwokutaambathana ongaamwainathana.

Ehokololo ndika lya li lya leshelewa oshigongi petameko lyaFebuluali olya li lya tala noluhodhi kaatumwa yomoongerki dhi ili nodhi ili mboka ya kuthwa oombapila dhawo dhokukala miilonga nenge mboka ye dhi tindilwa sho ya li ya hala okuya miilonga mpaka. Okwa hololwa wo uudhigu waaluudhe sho itaa pewa oopaasa pethimbo okuya kiigongi kombanda yomafuta.

Nomushika ehokololo olya ti kutya ongerki oyi na ombelewa ndjoka yi li po ewi lyaathitawi taa hepekwa yomokati kaantu mboka tatu longo muyo.

Moshigongi shika oshitine omwa dhimbululwa ompumbwe yiinima tayi landula okukwatha iilonga yaFELKSA.

1. Ongerki kehe yi li oshilyo yi hogolole omuntu a kale omupokati kongerki ndjoka naFELKSA.

2. Ewilikongundu lyaFelksa li hogolole okomitiye tayi konakona natango uukumwe wAakwaluther, okomitiye ndjika yi gandje ehokololo konima yoomwedhi hamano.

3. Ongerki dhi li iilyo dhi konakone iinyolwa yaSPROCAS niilonga ye dho, oongerki, dhi kwathe wo oshilonga shoka paimaliwa.

Omumbisofi gwongerki yetu naamushanga gwe, osho wo tate Natanael Sirongo, omutonatelishitayingerki shaKavango, oya li ya kala moshigongi shika.



Ewilikongundu lyaFelksa okuza kolulyo: Rev. von Delft omupresidende omushona gwehangano; Rev. K. Schmale amushanga omunene; A. W. Habelgaarn omupresidende na Rev. J. Wernecke omudhigini gwiiniwe.

OHATU LUNGU ONHAKWI YOMEVA NGENGE IHATU TALE JESUS

Ohatu pandula omunyoli woshinyolwa eshi nondi udite nokutya otashi ka eta ouyelele moshwana shetu ku ava ve na omatwi nove na eendunge da minikilwa.

(Oshinyolwa "Ohatu lungifwa onhakwi yomeva" osha li hashi holoka luhapu moifo youdwaali noneudo lumwe mOmukwetu No. 1, 1973 ep. 7.).

Ashike haatushe tu li moshwana ile o-mongerki tu na eendunge da minikilwa, osheshi ope na vahapu mufye oingone meitavelo nomokushiiva oukalunga. 1Kor. 8: 1-2, 7-13 Gal. 5: 13.

Onghe hano ohandi indile nelixupipiko kovamwatate nge tamu nyola sha shokuminikila oshwana, inamu kala kokule nOmbibeli. Navali inamu dimbwa kutya ovatilyane moiwana yetu ove uya mo neendjila mbali, vamwe ondjila yavo okukonga omapangelo nove na eenghedi davo di lili 1Joh. 4: 1-3.

Vamwe ondjila yavo oyokweeta evangeli lexupifo nde otava ti: Vakwetu kaleni ovakaleli vange (mOshindonga holelii ndje) ndelene taleni ava otava kala ngashi fye hatu kala. 1Kor. 11.1.

Lo evangeli lexupifo olo nee le tu longa okudiinina eenghedi daKalunga. Rom. 12: 1-2 Ef. 4: 23-24.

Nomeindilo lotete otamu tiwa eendjovo daKalunga nadi udifwe da yuka ngashi di li. Nafye yo natu yukife okukala kwetu kudo noinatuteelelwa okukala neenghedi inadi dja meendjovo daKalunga, osheshi nge hatu kala nado nai, ohatu shekifa edina laKalunga.

"Tate womeulu tu kwafa okuyapula edina loye."

Mokuliyandja meshasho liyapuki, onda ana koshipala shaKalunga nda ti: Ohandi lidilike Satana noupaani aushe. Onghe omwii-



Omusitagongalo Gabriel Amupolo

Inatu popya manga mpaka tse shono tatu ka lya po naashono tatu ka gandja po koombwa moshigongi-ongerki tashi ya, ashike ngashi tatu shi mono palwe moshifo shika, omapenda oga tameka nale okuhogolola oontumba dhago ndhoka taye dhi tala dho ondoka.

itaveli waKalunga ito mu hange nande fiku limwe e li moudano womakola ile wolipitako, ile wohoolole nge ile wohaipeleko.

Nande ngeno ona kale mexumokomesho ota kala meendjovo daKalunga, okuninga shapu a shuna kuEgipiti. 2Mos. 18: 10 Ehol. 22: 18-21.

Josua Hanyango
Kongo

OMADHINA GAAWIILIKI- NGERKI MOONGERKI

Otatu gandja ombili kaaleshi sho twa li tu na okugandja efatululo lyomuule kashona nolya yela kombinga yomadhina gaawilikingerki yomoongerki dhi ili nodhi ili muuyuni, ihe mpoka natu gandje efano lyowala lyokombanda pamwe tali kwatha ngaa.

Ngiika oyendji yomongerki ndjika oye na natango omadhimbuluko pethimbo lyomumbisofi ngoka e li miilonga sho ta hogololwa, yamwe sho ya li ya limbililwa nokwiipula kutya, ongerki yetu sho tayi kala yi na omumbisofi otayi ningi onkwa-Katolika nenge oyaAnglikana?

Shika osha li sha holoka, oshoka edhina uumbisofi owa uvikila tango moongerki ndhoka, hayetu. Ihe oshinima osha li sha ye le mbala.

Oongerki mbali twe dhi tumbula metetekelo ohadhi longitha ano aasita yadho yamwe taa ithanwa nedhina ndyoka, omumbisofi, ngashi wo tse Aakwaluther.

Ishewe mpaka otatu longitha oshitya "edhina"—titel, ihe kashi shi naanaa edhina. Otitel otayi holola owala uukwangundu womuntu, ando tu tye, otitel ye, omulongi, omupangi, omupresidende nosho tuu.

Oongerki okuza kethimbo lyAaya-postoli oya kala tayi wilikwa kaawiliki taa ithanwa, tango aakuluntu yegongalo nenge aasitagongalo.

Osho pwa holoka mbala omukuluntu gwaasitagongalo ngoka ti ithanwa omumbisofi.

Pethimbo lyomahepeko gongerki aambisofi oya longo oshindji shokupopila ongerki kiimpaga nenge kukehe shono tashi yi ongerki ya-Kristus moshipala.

Ihe oshilonga shoka shokupopila nokuwilika ongerki osha longithwa wo moongerki dhilwe kumboka inaa ithanwa aambisofi. Yamwe ya tiwa ashike aapresidende ngashi unene koongerki dhomuAmerika ngashi twe shi popi wo mehokololo lilwe, nomiilongo wo yilwe oyindji.

Oongerki dhomuNdowishilanda mo mwa valwa omwamemengerki mUushimba, ohaa longitha owala oshitya praeses shoka tashi ti ashike ngoka ta gandja omaye le (pafatululo lya praeses H-K. Diehl) ihe pambo lyiitya omunashipundi. Omafatululo ngaka gaali itaga kondjithathana nando.

Omumbisofi ngele a yapulilwa oshilonga shika, eso alike tali mu zimbula mo, manga kombinga yootitel dhilwe, aawilikingerki ohaa hogololwa nokuhogololululwa ngele shi na ompumbwe. Ano otaa longo methimbo lya uthwa. Ngiika ndika olyo eyooloko eshona tatu mono pokati komadhina ngoka.

ONGERKI OYI NA OSHEETHELA

Omadhiladhilo gomusitagongalo Gabriel Amupolo otaga ligolelwa kaakriste oyendji mongerki yetu yi ipyakidhila natango nokugongelela oongerki dhiipeleki iimaliwa, oshoka oge li naanaa mondjila.

Tate Amupolo meyapulo lyongerki yawo yaNangalo, ndjoka tayi adhima iipeleki kombanda, okwa popi kutya, ku dhiladhilwe omukalo gulwe okukwatha aasitagongalo nomagongalo mokutunga oongerki dhoshinanena.

Omusitagongalo Titus Heita, moshituthi sheyapulo lyongerki yawo yaNakayale, okwa adhika wo a holola eyemato ndika nokwa ti:

"Otashi vulika omusita a ka ye moheli ngele okwa adhika keso lye i ipyakidhila nokutungitha ongerki."

Mpaka tate Heita okwa hala okuholola eitulomo noshimpwiyu sha pitilila hashi kala momusita ta tungitha ongerki sho ta komo naakwanegongalo ye ete iinakugwanithwa yawo.

Ooshili adhihe ndhika kadhi shi okweekelwahi owala, ihe kombinga onkwawo itatu tala ongerki (Epangelongerki) li na osheethela miilonga yomagongalo. Nge tatu endulula mpaka shono sha adhika sha tumbulwa komudhiginini gwiiniwengerki, Omusita Matias Nghipandulwa ongekundo lye meyapulo lyongerki yaNangalo sho a ti:

Epangelongerki lya Elok, olya dhimbulula momimvo dha zi ko, kutya aasita nomagongalo oya gwile muupyakadhi owindji sho yi itsike iilonga yetungo lyongerki pwaa na euvathano. Okwa gwedha ko ta ti:

"Okukandula po uupyakadhi mboka Epangelongerki olya hogolola okangundu komatungo mongerki ayihe, noko haka gandja omaye le komagongalo ngoka ga hala okutunga."

Ngele ekwatho lyokangundu haka otali dhimbululwa inaali gwana nokali lwetike komagongalo, epulo shila otali kala mpoka, kutya omagongalo oga konga ekwatho li thike peni kokangundu nkaka, neitulomo lyokangundu hono kutya olya li li thike peni?

Oongerki inayi ethela nando olye muupyakadhi we, shila okuninga onkugo inaayi yela nawa.

Maria maandjaSakaria

Esiku IyaMaria

"Opwa ningi ihe Elisabet sho kwa uvu ekundo IyaMaria, okanona oka nuka mela Iye. Elisabet nokwa udha Ombepo Ondjapuki nokwa popi mokule a ti: Ongoye omulalekwa nuuyamba mokati kaakiintu. Nonakuvalwa nguka gwomungoye omulalekwa nuuyamba. Osha zile ndje peni yina yOmuwa gwandje te ya kungame....." Luk. 1:39-45.

Inashi igililwa mongerki ndjika okudhila-dhila muule otekisti ndjika ya kwatathana naMaria yina yaJesus ngashi hashi ningwa mongerki yaKatolika. Ashike ongerki yetu sho ya tula esiku IyaMaria mokaliindeli, kashi shi nando oshiihaluke, ihe osho uuthiga wopangerki naanaa, mboka wa li wa ethiwa konima yethimbo ele Iya piti.

Ondjenda yaMaria kaandjaSakaria kuJudea okuza kuGalilea otayi tu penduthile kutya Maria okwa kala nomalombwelo gamwe gomuyengeli Gabriel ke gu uvite ko nawa. Pamwe otashi kolekwa wo keyamukulo Iye:

Ongame omuntu gwOmuwa nandi ningwe ngaashi wa ti Luk. 1:38.

Okuka tala yinakulu Elisabet kutya omusimba tuu shili muukulupe we nokuli, ngashi a lombwelwa kuGabriel, oshinima tashi koleke ngaa eitaalo Iye, kutya naashono she mu popilwa, otashi tsakanithwa wo. Uusimba waElisabet endhindhiliko kuMaria ndyoka Iya thindilwa muye:

"Tala, naElisabet mukweni nguka haku tiwa omuntimbe, okwa ningi omusimba gwokamati muukulupe we."

Hasho ashike shika. Okuya ko kwaMaria kuElisabet okwa zi wo meitaalo li inekela omauvaneko gOmuwa, nomeifupipiko Iye, ote ya kungoka a silwa pamwe naye ohenda. Nehistoli otali ti kutya opo mpaka Jesus naJohannes oya tsakanene wo.

Otatu popi mpaka Maria omuyapuki nomuyeleele ngashi Ombimbeli tayi hunganeke kutya: **Omukadhona** ota ningi omusimba, na Josef ta lombwelwa: Ela olyOmbepo Ondjapuki. Oye yina yOmuwa ngaashi Elisabet ta ti. Ov. 43.

Ihe pamwe naashika otatu tala elalakano IyaKalunga ndyoka a hala li tsakanithwe o-lyo ndika kutya: Kalunga ota kulukile muuyuni wuulunde, omoluulunde, moka Maria wo e li oshihakanwa shuulunde.

Ano kombinga yehupitho otatu dhimbwa uuyeleele neiyapulo IyaMaria Jesus okwi ikutha puyina nopaamwaina sho ta ti:

Mbaka ya taamba ehupitho oyo oomeme naamwameme

Oshinima shimwe natango itatu shi dhimbwa motekisti ndjika. Eiyapulo muuyuni wa nyata uulunde oli na ondilo momeho gaKalunga. Kalunga ota hala okulongitha mboka ya hala okwiiyapula. Maria a ningi yina yOmuwa, ishewe ehologo Iye puElisabet, olyu udhitha Elizabet Ombepo Ondjapuki.

Ano ehologo Iyaana yaKalunga olyo etalaleko kwaayehe ya nyongama momaipulo omadhigu. Paulus ta ti: Kaleni mwa yela mokati koludhi nduka Iwa pilaala nolwa goyoka, ne mu adhime ngoonyothi mokati kawo. Fil. 2: 14.

Sebulon Ekandjo

OONGERKI MBALI MUUNINGININO, DHA YAPULILWA IILONGA

Oongerki mbali oonkwaevangeli paLuther odha yapulilwa iilonga yadho komutonateli-shitayingerki, Rev. Jason Amakutuwa, na yimwe oyi li popepi nokuyapulwa.

Omimvo dha zi ko omagongalo gamwe mUuninginino, ngashi Nakayale, oga kala nekondjo okutungwa ongerki ompe, oshita negongalo IyaNangalo mUukwuluudhi, osho wo egongalo Ompundja mUukwambi ndyoka li li wo pokumana.

Omagongalo Onangalo naNakayale iilonga yago oya yiwa moshipala olwindji kiiponga yiikungulu yombepo ndjoka ya kutha ko ii-



Omuyevangeliste Samuel Ankoshi oye gumwe gwaayevangeliste ya pita tangotango 1944 mOniipa nokwa longo moTshandi nomOnangalo. Aapagani oyendji ya tedhululithwa keuvitho Iye Iya nika omategu ogendji.

EKUNDO LYATATEKULU HENOK HAUFIKU MONANGALO

Otandi mu kundu medhina Iyanyoko Tshandi one egongalo pamwe nomusitagongalo ndika Gabiriel Amupolo noshwo wo aakuluntu yegongalo.

Onangalo oyo osheeli shegongalo IyaTshandi mokuvalwa megongalo ndiyaka nda longo uule womimvo 31. One omwa kala aatango muupenda wiilonga yegongalo IyaTshandi nomiinakugwanithwa wo yilwe.

Omuwa oku na oonkondo oku mu koleka opavangeli Iyandje nopautho IyaJesus Kristus opashiholekwa sha hololwa shono sha kala omathimbo gaaluhe inaashi hololwa. Rom. 16:25-27.

Nonando mwa kala mwi ipyakidhila unene okulongekidha itungitha ayihe yongerki ndjika nokutameka nokuli iilonga yomake,

peleki ne ngeya teyagula ekuma nokuli.

Pehulilo Iyomumvo gwa zi ko egongalo IyaNakayale mewiliko Iyomusitagongalo Titus Heita, oya thiki mesindano Iyiilonga mbyoka iinene noya yapulitha ongerki yawo.

Eti-11.2.1973 egongalo IyaNangalo olya piti wo muudhigu wetungongerki Iyawo noya ningi oshituthi oshinene sha teleka sho shi na omatanga goondjimbo. Mehokololo Iye, omusitagongalo omuwiliki gwiilonga okwa ti:

Omuvalo gwokutungwa ongerki mewiliko Iyomusita awike inagu yela mongerki yetu. Naku dhiladhilwe ondjila yimwe tayi ka kwatha aasitagongalo naakwanegongalo.

Omusitagongalo Gabriel Amupolo ngoka a dhike egongalo ndyoka 1963 sho Iya zi muyina Tshandi, okwa kumagidha noonkondo omalenga nooyene yiilongo yaa ethele we iilonga yokutungwa ongerki miikaha yaa-kwanegongalo ayeke.

Oshitayingerki moka ongerki tayi tungilwa osho wo oshikethangerki mewiliko IyE-pangelongerki, tate Amupolo okwa tegelela yi ninge oshindji mokukwatha omagongalo miilonga mbyoka.

Ngashi sha monika momagongalo agehe ga tungu ongerki dhago oompe dhiipeleki, nomegongalo IyaNangalo, omwa kala wo mboka ya li yakwawo oshipungo sho inaa tsakanitha iinakugwanithwa yawo yetungo.

Ihe tate Amupolo ota pandula unene mboka yi iyamba omalutu gawo nomaliko gawo kiilonga mbyoka, mokati kawo omukulukadhi gwe ngoka a kwatha mokupangela omitemge.

Etungo alihe olya pula R8,574 pwaa na manga iipundi. Oshikethangerki osha gandjele ko ongunga R546,50.



Omusitagongalo Henok Haufiku

shika oshe mu pula oonkondo dheni adhihe sigo mwa adhika mwa vulwa nokuli.

Ihe nguka e na oonkondo megulu nokombanda yevi ota vulu oku mu kolekitha evangeli Iye ndyoka tamu ke li uvithilwa mongerki ndjika. Aantu mboka inaa longo iilonga yegongalo nenge yongerki ndjika, otaa kala yu uvite ongunga.

Ihe mboka ya longo iilonga yongerki otaa kala yu uvite uutoye wevangeli ndyoka taye ke li uvithilwa mo muka. Kalunga na indjipalithe omagano gaakriste ayehe megongalo ndika.

"Amushanga gwOmukwetu okwa tokelwa," IyaAngula ta ti



Omusita E. Angula

'Onda mono ngaa shono wa shanga mOmukwetu kombinga yehogololo lyomumbisofi mongerki yetu, ihe onda ti kutya nguka e shi ende komushila, ethimbo lyoku shi popya Iya pita nale."

Osho tate Efraim a holola omadhiladhilo ge konima sho a lesa Omukwetu No.3,1973 mepandja 2.

Moshifo shika otwa li twa popi pafupi ompumbwe ndjoka yi li po kombinga yelongekidho mokati kiilyo yongerki ya Elok opo yi vule okudhiladhila kuyege ngele tayi ka thika moshigongingerki moka tamu ka kundathanwa oshinenenima, ngele pu shi okuhogololwa natango omumbisofi omutiyali.

Kape na ngoka ta Iudhikitha tate IyaAngula kutya ethimbo inali pwa po moshinima shoka sho inaapu ningwa natango omalongekidho gasha nonando oshigongi oshi li



Meme Ingrid Skoglund, gumwe gwomaa-longi yaayakulipangi mOnandjokwe

MUZAIRE (KONGO) IIFONKUN-DANA 31 OYINDJI YAYO YONGERKI, OYA MWENEKWA OKUZA 8.2.1973 PAVETA YA KOMUFALA GWOMBELEWA YOMATSEYITHO. OSHA TIWA KOLONZA LWONKUNDANA YAKATOLIKA. OVETA OYA NINGWA PU KALE OLUNZA LUMWE ALUKE LWOKUTSEYITHA OONKUNDANA.

ko nale mujuli nokuli.

Ihe osho wo shono sha adhika sha hololwa moshifo shiyaka kutya katu vulu okutala ko ashike noku iyoga kiikaha okwiikutha ongunga moshinima shika, onkene tatu kambadhala mpoka tatu vulu nonando ku na omaimbo ogendji.

"Kanda li nando nda hala okudhiladhila oshinima shoka shehogololo lyomumbisofi omutiyali mongerki, oshoka kandi lwete nando ompumbwe yasho. Naasho we shi tula mOmukwetu ngeyi, osha fa owala tashi piyaganeke omadhiladhilo gandje."

Osho meme Anna-Katri Kapenda a ti. Okwa tsikile ko a ti kutya pamwe komeho te ki itula mo ngaa oku shi dhiladhila, ihe ompumbwe ku kale aambisofi yaali ke yi lwete. "Ethembo lyokulongitha omuwilikerki omumbisofi inali pita ano?"

Tate Festus Ashipala osho a pula. "Sho nda lesa mOmukwetu oshinyolwa shehogololo lyomumbisofi omutiyali, onda kwatwa komadhiladhilo kutya, ethimbo inali pya mbela nomongerki yetu kaatu longithe we



Meme A-K. Kapenda

Omunyasha neliko

Manga nda li okamatyona, efiku limwe okaana kopoushiinda shetu okakadona oka li taka tuku vakwao. Onda ka pukulula kutya ino tuka vali vakweni, oto kala u ka ye moheli yomundilo. Oka nyamukula:

"Momundilo, o, eendjeva dange tadi ka pya po nee?"

Oshinima eshi ohandi shi diladila fiyo opaife nosha etela nge ouyelele, kutya nani nokaana kanini oke na ohole yeliko. Kape na omunhu ehe hole eliko, okutameka kokaana, komunyasha, komukulunhu nokomukulupe.

Oshinima shimwe nda hala okukonenena apa. Eliko oshitya sha dja moshityalonga okulikola, osho sha likolwa. Oinima kaya li po nale ndele nee oye uya po ye likolwa.

Eshi otashi tu etele efatululo liwa, kutya omunhu ngashi ha dalwa e li hamunghele, ehe na nande osheshi e kwete, vali omadhiladhilo taa tondokele keyo: Omunhu ngashi ha fudikwa a djala osho yo omwenyo

otitel yuumbisofi, ihe tu longithe owala omuwilikerki. Ina gandja manga etompelo kutya omolwashike.

Okwa ti natango kutya: "Ashike otandi limbililwa kashona, oshoka Amerika ngoka ihaa longitha uumbisofi pangerki yawo, ngashingeyi ota konakona oshinima shoka a vule oku u longitha ngele sha taambwa.

Sigo onena aakwaluther muAmerika aawilikerki yawo ohaa ithanwa ashike aapresidende.

Otatu gandja olupandu kutate Angula sho a holola omadhiladhilo ge nongashi wo kumboka ya holola gawo. Ngoye polwoye oto shi tile ngilni?"



Omusita F. Ashipala

waye ohau i mefyo u na sha.

Hano ohatu ti eliko olo oinima aishe oyo omunhu te i liongelele mefimbo lokukalamwenyo kwaye okutameka fiku a dalwa nde fiyo omefyo. Oshinano eshi pokati kedalo nefyo, osho oshinano shokulikola, ile shokulongifa eliko.

Omunyasha oye oku li pefimbo olo la fa oshikulundudu oko a londa ko noku wete nawa oinima ei. Manga wa li okaana, ku na naanaa unene omadhiladhilo okwoongela nokulikola. Nde paife eshi u li pefimbo eli lopeengaba to di mounona wa yuka mukulunhu, ou wete naanaa ngaashi omunhu a londa koshitunhu okukalamwenyo ku li komesho yoye, kutya owa pumbwa sha shi ku kwafe. Onghe omunyasha oku li pefimbo olo omwenyo tau lipumaenene notau lipupaula.

Okulikola sha osho tashi mu kwafa mukukala kwokomesho kateye ombila. Onghee to mono pefimbo eli omunyasha ota kongo omuvalekwa ile omuvaleki waye, opo a kale e na omuvateli mukukalamwenyo kwokomesho. Vamwe otava tameke okuninga eengeshefa, opo ve limonene sha. Vamwe otave likongele oilonga, opo ve limonene sha.


Ovanyasha alushe otava ningi omafiyafano meliko. Eshi umwe e wete mukwao e na ombashikela yonganye, naye okwa hala a kale e i na ile a ka lande oshihauto nokuli. Eshi umwe e wete mukwao e na eekrimpe mbali ye okwa hala a kale e na nhatu.

Hano tuu eshi umwe e wete mukwao e na okakadona, ile e na mwene naye yo osho a hala. Omaludikafano a tya ngaha otaa di koshi yokuhashilwa kwetu ndele nani otae tu kwafa, opo tu ka kale tu na sha mukukalamwenyo kwetu kwokomesho.

Aishe tu i kwete ohai di kuKalunga. Ngaashi Martin Luther ta ti: Kalunga no-

MBAKA YA PITI OYA PUMBWA NATANGO OONDUNGE

Nonando mwa mana eilongo lyeni nomwa piti nawa ekonakono, otamu pumbwa natango oondunge tadhi zi pombanda, osho sha tiwa komusitagongalo Matias Nghipandulwa moshituthi shaapangi mboka ya yambekelwa moshilonga shawo omasiku ga zi ko.



Omunyasha neliko

kwa pe nge olutu nomwenyo, omesho, o-matwi, oinhimbu aische, neendunge nomaye-le, ndele oinima ei aische ote i diinine natango.

Oye (Kalunga) oha pe nge omidjalo noikulya, omeva neumbo, ohombo noludalo, epya noimuna nemona alische. Keshe efiku oha penge oipalwifa naashishe osho nde shi pumbwa mokukalamwenyo

Oimaliwa nelongifo layo

Paife nandi popye oimaliwa nelongifo layo, osheshi oyo oshilongifo osho omunhu ta dulu okulihafifa nasho nokuliulika mwene, onghe otai dula yo okulongifwa omauwa aeshe nosho yo omauwi aeshe.

Omaupyakadi mahapu taa holoka mokukalamwenyo kwetu oku na ekwatafano noimaliwa. Oimaliwa otai dula okulongifwa mohole yokulihola mwene noku likongela omauwa oye mwene, ndelene otai dula yo okulongifwa nohole yokuhola ovanhu vakeni, opo u va kwafe.

Omolwoimaliwa eenghundafana dii oha-di udika luhapu moifo nomeeradio ngaashi omadipao, omaulunga, omakengelelo nosho tuu. (Tala yo Judas Omwiiskariot).

Hano oimaliwa oi na eenghono da honda-ma muyo dokulonga ouwa nowii. Oimaliwa oha dula yo okuninga oshikalunga osho omunhu ta dula ashike osho a kale ta lalakanene. Ngashi yo hai dula oku tu twala mepuko tu fimaneke ovanhu pauhapu wayo, nonando efimano lomunhu loovene otali di mouwa waye nde hamouhapu weeranda edi e kwete.

Natu tye hano noitya imwe, kutya oimaliwa hano efikilo ndelene oyo ekwafo okufikifa omunhu kefikilo. Elao lomokukalamwenyo kwomunhu itali di hano mouhapu woimaliwa e i na ndele omombili yokomwenyo.

Tate Nghipandulwa sho a leshele aayambekelwa moshilonga ohapu ya za mujakob 1:5, moshipangelo shetumo shaNandjokwe, okwa ti:

Inandi yelekela nando esiku limwe mokukalamwenyo kwandje ndi iyakule mwene pashilonga shono hamu shi longo, oshoka oshidhigu. Ihe ne nando mwa tseya oshindji musho, onkene mwa pumbwa natango oondunge.

Omadhiladhilo ngaka oga yelithwa nawa kaapopithi yaali yomoshituthi shika. Omulongi gwasikola yaapangi mOnandjokwe, meme Else Witting okwa popitha oshituthi ngeyi:

Konyala esiku kehe muuyuni otamu vale lwa aantu yethike poomilyona 300, ihe aantu ya tya ngaaka oyendji yomuyo otaa valelwa mondjala nomoluhepo lulwe.

Yahamano yomaapangi mboka oya li ya nyola ekonakono lyawo lyuualithi noya piti nawa, konima sho ya adhika ya piti ekonakono lyuupangi wo wene mOshakati.

Yaali yomaayambekelwa moshilonga oya li ya nyola ekonakono lyuuyakulipangi. Sigo ompaka, payalulo lyameme Witting, osikola yuualithi yaNandjokwe, ndjoka oyo ayike mOwambo, oya pititha ashike aavalithi 23.

Mesitela Timoteus Ndakunda, ngoka a li wo a mono ompito yokupopitha aayenda naayapulwa okwa ti kutya:

Mbaka kaye shi oondundu tadhi ndundumine okulya, oonganga tadhi ngangele okupona, oshoka nondjambi yawo kayi thike peilongo lyawo. Kaapangi okwa ti:

Otamu ka adhikwa koyendji ya za momidhingoloko dhawo; komukulukadhi te ya moshipangelo ke na oshimaliwa, ina tumi-nwa kumwene kUushimba. Omusamane ina mona okaholo nde ote ya nuunyengwi we auhe.

Tate Ndakunda okwa tsikile ta ti kutya, epulo enene lyeni nali kale ndika kutya: Mbaka ondi na oku ya ningila shike, shi vultithe okwiipula: Mbaka oye na okuningila ndje shike?

Aasitagongalo Kleopas Dumeni na Titus Ngula oyo ya kwatha tate Nghipandulwa moshiyambelo meyakulo ndika, mongerki yoshipangelo.

Mefano pombanda: Aasitagongalo Kleopas Dumeni kolulyo, Titus Ngula kolumoho naMatias Nghipandulwa pokati taa laleke nuuyamba aayapulwa. Mefano pevi kolulyo lela oMatron gwoshipangelo shaShakati nomutiyali okuza kolulyo omulongi gwaapangi mOnandjokwe meme E. Witting.



Oosestela mboka ya piti ekonakono lyuualithi okuza kolumoho: Diina Ashuulu; Ndesheetelwa Namhindo, Saara Nghifimule, Justina Muleka, Lusya Angala na-Helena Hamukwaya.

KONANKALI KWA NINGWA SHA

Esiku limwe opwa ningwa euvathano lyiilonga yokupulula mepya lyetumo kOnankali pamadhiladhilo gokangundumutima koshilongatumo. Aakriste naapagani oya kwatwa kehwaro enene newanawa sho ye shi uvu noyi indile nayo wo ngele otaa vulu okupitikilwa meyakulo ndika.

Esiku sho lya thiki 3 Febuluali 1973, aantu oya tsa ondinda taa ya niipululo yawo. Mwene gwomukunda, Kakunya, oye omutango a thiki po noyana. Omulongi Risto Tulipohamba sho kee na ethimbo lyokulonga omolwiiilonga ye, okwe ya a tseyithe kutya kaandjawa oku na oshipululo sha manguluka tashi vulu okulongithwa.

Manga aasamane taa pulula yo oomeme otaa kunu. Oontana dhaNandjokwe ondi wete tadhi toka niisati tadhi undula okumbi yimwe. Oye etelela ombelela niikulya. Inaa kwatakwata oya thikile taa kunu pamwe natse. Meme Else Witting okwa li pamwe nayo.

Ondigolo oya li po onene ongaantu ye li mohango, ihe anuwa omolwaasho ya mono ompito yokulonga oshilongatumo.

"lilonga yokukwatha kolutu oyo tayi fala nani aantu puKalunga sho taa mono nkene taa mono eyakulo lyiikaha yomuyakuli." Osho kuku Gwamupanda a ti.

Okwa yamukulwa komuhokololi a ti: Kalunga naye ina shita omuntu nohapu aawe, okwe mu kwata niikaha ye. Kaku na nando oshishitwa shimwe sha ningwa ngeyi, omuntu oye awike.

Aanandjokwe amuhe handi mono tamu ningi oongalo omolwetumo ndika, osho wo yokuTsumeb nomOwambokavango amuhe, Kalunga ite mu etha owala.

Abisai Iihuhwa

Oimaliwa oyo tai ti!

Oimaliwa oyo oiyakulifo iwa, ya mana, i na eenghono noya pumbiwa kuvahapu. Ndele ne nande i kale i na eenghono di fike peni, oyo ngaa oiyakulifo ashike ngaashi eengobe, oikombo, oikulya, oikutu nosho tuu.

Oimaliwa paife oi li ponghatu yopomba da, nde oya hala okuninga Mamoni. Paife oku na nee ovanhu vahapu tava pangelwa kuyo. Vahapu paife va dimbwa kutya Kalunga okwa ti ovanhu nava pangele edu omo mwa dja oimaliwa. 1Mos.1:28 Hano noimaliwa oi na okukala mepangelo lomunhu.

Paife ohaku tiwa kutya, oimaliwa oyo tai ti. Oshili tuu osho? Oyo tu i na okupangela? Osho oshiponga shinene tashi holoka ngeenge oimaliwa tai ningi ovanhu ovapika vayo.

Vahapu paife otava lile ofika kave na efinbo omolwoimaliwa. Ihava tulumukwa vall eetundi da ufwa noufiku otava kongo oimaliwa. Vamwe nelongelokalunga ove li dimbwa po fimbo vamwe ye va twala moshihole shokulihola voo vene. Oimaliwa otai ti.

Oimaliwa otai eta oupyakadi moku i likongela, kape na mbudi shimha tuute i mono, ngee onomukalo tau nyono po mukwao, ile oshiwana nokuli. Ounona yo va hovela oku i tala nomesho manene.

Ovalumenhu vamwe ihave i pe vali nokovakulukadi vavo, ove i diinina ashike voo vene nova dimbwa po eemhumbwe domambo avo. Oixuna shili. Oshoongalele ngeenge osha ongala nde tapu etwa doimaliwa, ovanhu otava hovele okukakama tava di oshinhwi, ve litula mo tuu shili. Naau a li

ta kofa, ita kofa vali.

Vakwetu, tu lungameni koshiponga eshi she tu fikamena. Oku na paife ovanhu ve na eemwenyo di na eembululu da ululwa koimaliwa. Omukaleli woshikalunga keshe ota kanifa omhito yokuya mouhamba waKalunga.

Paulus Shidiwe

OILONGA YEENGHONO YA DJA MOUNGONE

Oilonga yeenghono oya longwa meongalo aNgenga komunaungone wopavali. Omufitaongalo omukulupe Paulus Nailenge meongalo linya okwa holola oshilonga shaye shomodula ya ya ngaha:

"Onda longa oilonga yange noungone wopalutu u li mumwe noukulupe."

Tatekulu Nailenge ou a shakenifa omido 88 neudo ota pandula unene konghenda oyo kwa li a mono omudo wa ya okuyakula eongalo noku li talela po momikunda lwomulongo nalutano nokuli.

Omushamane Nailenge okwa longo moshitudifilo lwo 33, a kumaida vakwao shi fike po 200 nokwa fikama mowalitali yOmwene lwo 25 omudo wa ya.

Osho yo eandaha nomashasho nokukala moyoongalele yovafita mongerki ile moshitaingerki tatekulu ote i tumbula mehokololo laye lomudo.

Onghenda i fike apa ihai pewa omunhu keshe. Omushamane Nailenge oku na paife oufemba wokulya oshimungome shaye shomoukulupe netulumuko meumbo paufo lo-maufomhangongo ongerki.



Omvula ya loko

Milonga odha fuluka,
Pombanda uuyamba woye.
Naapehe tadhi kumitha,
lishitwa naantu yoye.
Natango tatu nyanyudhwa,
Komume wo ontalala.
Nomvula yi na uuyamba.
Nomwiidhi we gu menitha,

Mombuga momakuti.
Nagwo ongoye to palutha,
limuna niikwakuti.

Nkee evi tali ligola,
Niishitwa oya pandula,
Natse wo twe ku tanga.

Oshigongi shevangeli muSuidAfrika

Oshigongi oshinene sheuvitho lyevangeli osha thanekelwa muSuid-Afrika okuza 13-22.3.1973.

Oshigongi shika tashi ka ningilwa muDurban otashi ka kundathana oshilonga shevangeli noshetumo pethimbo ndika lyongashingeyi notaku tiwa osho shotango sholudhi nduka tashi ka kala.

Omuyevangeliste gwongerki yetu okwa tetula ethaneko lyomalweendo ge gokuvangelitha mongerki sho a taamba ehiyo lyomoshigongi shika.

Moshigongi shika omwa tegelelwa wo omuyevangeliste a simana muuyuni Dr. Billy Graham, gwaAmerika. Omimvo odhindji dha piti omusamane Billy okwa kambadhala olwindji okutalela po S.A. nevangeli lye ndyoka hali pendula epapudhuko enene maapulakeni, ihe ina mona ompito.

Pangashingeyi ope na etegameno enene kutya ote ke ya.



Tatekulu Paulus Nailenge ou a shakennifa eedula 88 neudo, okwa yapulilwa oshilonga shoufita 1937. Paife ota tumukwa po koshilonga shaye shefimbo li dule eedula 40 kumwe noshilonga shouhongifikola.

Ekwafelo lelihongo muAmerika

Oimaliwa yeedola doshiyamerika 565,000 oya yandjiwa koshikondo sheetelefona shopainternationale muAmerika okuyandjela koshilonga shelihongo lovanhu tava di ku-Afrika.

Efimbo leehani 21 otali ka longifwa kovahongwa tava ka dja kuAfrika kOushilo wopokati, Asia, Latin Amerika, Canada na-Europa mokuleehenifa komesho melihongo fiyo ponghatu ya B.A.

Ovahongwa konyala ve fike 6,000 ova tekulilwa nale oilonga i lili noku lili panghedi youteku ou okudja 1919 eshi ediladilo eli lokuwafela ovalihongi la longifwa muAmerika.

"Nomukalo ou onyuni aushe otau ehensifwa popepi mokuudafana ko paputuko lomifyuululwakalo, pamadiladilo nopaunongo umwe u lili," osho omushamane Harold S. Geneen a popya ou omunashipundi shehangano eli louteku woiwana (Institute of International Education).

(AND)

OMUHONGWA WAPULINUM A ALUKA KU S.A.

Omuhongwafita moseminali youteologi kuPaulinum, Josafat Shanghala okwa alukila vali keumbo konima yohani imwe eshi a kala muRepublika ya S.A.

Omulihongi Shanghala okwa kala kwinya pokati kaDesemba naJanuali neudo nokuninga omakonakono amwe kombinga yokukalamwenyo kwovanailonga voi-longa yokomake.

Ye mwene ota ti kutya kwinya ova kala ko ovahongwa 15 vamwe va dja yo koilongo imwe yaAfrika ngashi Malawi nova dja yo momaitavelo amwe e lili ngashi Anglikani noKatolika. Kombinga yaSuidwes oye aeke ti, a dile ko.

Ova longifa mekonakono lavo omesho, omatwi, osho yo omake avo opo va ude ko nawa moule okukalamwenyo kwaavo, tava longo opo. Mofabulika inene Consolidated Glasswork Ltd. omo omunyasha Shanghala e lihongela oilonga yoshilumenhu.

Mepashukilo longerki da hangana moubuwanhu waAfrika (Felksa) eeseminali doteologi ohadi tumu fiku limwe ovahongwa ve na elalakano loku ka ninga ovafitaongalo okuya mokati kovanhu nova tale okukalamwenyo kwavo nhumbi taku ende.

Eshi oshi na elalakano kutya, fiku omunhu ta holoka koshipala shomufita noudjuu waye, omufita oku na oupu oku mu uda ko diva. Osho palalakano eli vamwe ohava tumwa moihakulilo omo tava ka shakena novaveli noku va pwilikina omauyehamwe avo.

"Omolwoudjuu woi-longa, vamwe inava mana okondraka yavo yoi-longa ponhele yonhumba", osho tate Shanghala a nyamukula omapulo.



Omufitaongalo Matti Amadhila okwa pita paife oihongwa yonghatu B.A. mouteologi. Oye wotete a hanga onghatu ei palihongo lo-meembilive, mekwatafano nou-niversiti ya S.A. Tate Efraim Angula okwa pewa yo odiploma palihongo laye mwene.



Fimbo ofikola yavo kOtjimbingwe inai hovela omuhongwa ou ota ka yakula manga ovamati kOlange ponhele yatate Hendrik Dengeinge ou ta tambula elelo leongalalo laNgwediva ohani ei.



Josafat Shanghala

EYAKULO LOVALAULE POSHIVELO OLII

Onghalo yovanailonga apa oyo ya kundafanwa moshooongalele shokukundafana onghalafano yomihoko pokati kaJanuali neudo oya li ya shila omatwi ovanhu.

Moshooongalele eshi sha ningilwa muJohannesburg, meme Rauha Voipio omuhongifikola youfita kOtjimbingwe okwa yandja omadiladilo oo a lesa meembilive dihapu da dja kovaunguli okufatulula onghalo yavo moi-longa.

Momanyenyeto eembilive omwa holoka, ounini weendjabi, oule wefimbo loilonga kwaavo hava longo meekombifa nomeehotela, omukalo mwii wokupula eepaasa nokuningwa onyanya momayakulo mahapu.

Ehokololo otali ti yo kutya Ovawambo ava ohava futifwa neenghono nomoinguma yavo oyo hava ende nayo peke. Po pOshivele shokuuya kOwambo osho yo peembelwa opo hava tambula oilonga, eyakulo olii la nyika onyanya.

Moshooongalele shinya omwa udika yo mekwatafano nehokololo eli lovaunguli omhito yemanguluko lovaunguli alushe pexulilo lo-shivike, eshi ve na omhito okutalela po omaumbo avo, unene ovo ve li peenhele doilonga di li popepi neendjila diwa. Osho yo ovaneumbo vavo ohava pewa omhito ei.

Ehokololo ola twikila ngaha kutya mupya munene ovaunguli ovanini lela va yeuluki-lwa koshinima sha tya ngaha.

Onghalo yovanailonga oyo kwa tiwa kutya kai li meameno nande lasha fiyo opapa okudja keudafano lipa la ningwa pokati kepangelo la S.A. nomapangelo omadumbo, Owambo noKavango, otai wapala ashike ngeenge epangelo tali litula mo neenghono adishe. Ngeenge hasho ekwafo moshinima eshi oli li pokutokelwa, ehokololo tali ti.

Okursus yaawiliki yuukongindjilakadhona tayi ka ningwa eti-2-7.4.1973 kOshato-twa kOnandjokwe. Ayehe naa thike ko kuyele mOmaandaha komatango.

Aawiliki mboka ye li moshilonga shokuwilika naamboka ye na ehalo okutame-ka omatanga numvo momagongalo, otaa tegelelwa nenyanyu. H.O.Adviser Mrs. Robinsson gwokuKaap pamwe naakwathi ye otaa ka longa.

Oshigongi shomumvo kehe otashi ka ninga pethimbo ndyoka mEtiyali eti-3.4.

Ombelewa yuukongindjilakadhona
Onandjokwe

OWA TSEYA TUU KUTYA OHO LANDITHA NGIINI?

Olwindji omuntu ngoka kee shi okuyalula oha kanitha oshindji, oshoka ina tseya nenge ina ndhindhilika kutya uunake ta mono iihohela nenge ta kanitha.

Ohashi ende nawa unene ngele omuna-ngeshefa wa landa iilandithomwa yoye, waa yi ete mbalambala mositola manga inoo koneka iinima tayi landula mpa:

1. Yalula omwaalu ngoka gu li mombapila yomalandelo ngele ogwa nyokomwa nenge ogwa nyokoma.

2. Yalula iimaliwa mbyoka wa ka landele nayo kutya oyini wa longitha naamyoka ya hupu po oyi li ingapi.

3. Yalula nee iilandomwa yoye ngele ayihe opo yi li.

4. Tala nee kutya oto mono (ovenisa) iihohela yi thike peni.

5. Mokutula ko iihohela ou na wo okukoneka kutya owa futa iimaliwa yi thike peni, opo iinima yoye yi etwe pegumbo. Ngele ou na ehauto lyoye eta po wo iimaliwa yomahooli ngoka wa longitha. Oto shi mono ngeyi:

Ooshako dhosuka, 20 kehe yimwe ya kosha R4,80. Kumwe R96,00

Omahooli oga pula R4,00 okuya nokugaluka Kumwe R100,00

Gwedhela mo 20% notayi kala kumwe R120,00

Oopelesenda opo u mone kutya iimaliwa yi thike peni, oto indjipaleke omwaalu gwooshako nomwaalu gwiimaliwa yooshako ya topolwa nethele.

Ngele to shi ningi pamwaalu twa gandja pombanda, oto ka mona kutya oshako yimwe otayi kosha R6,00. Opo iinima yoye yi landwe po, inayi kala yi na ondilo, oshoka otashi ku shotitha.

Omolwombiliha oto ka landa ooshako ndhoka luhetatu momwedhi shi vule ngoka a koshitha shi vule mpoka nota ka landa ashike lumwe omolwondilo. Ngele ino kanitha melanditho lyooshako dhoye tadhi ende ngeyi omwedhi kehe, nena komumvo oto ka likola mooshako dhoye R2352,00. Ka ninga ngeyi.

Werner G. H. Kantalelo



Aadhimba nAandongona

Otandi mukundu one Aadhimba,
Otandi mu popitha one Aandongona
Momapya getumo mwa za,
Evangeli lye mu hila mo.
Elongo lye mu kookolola mo.

2.

Yakweni mwe ya thigi ko,
Mwa ti: Mahini kalela mpoka.
Elongo li vule okulya,
Oondunge dhi vule to kanda ethele.

3.

Aakuluntu yeni ye mu pumbwa,
Oshigwana sheni oshe mu sa enota.
Moonkambadhala mu li shi tseyeni,
Kalunga oye oshitsa shopokati.

4.

Ehalelo lyandje olyo ndi,
Ilongeni ilongeni shili
lilongwa kayi lya muntu,
Ngeno ya lya Mbengwani Molopo
A li nehata lyomambo
Mengathithi lyaalongi.

Titus Kambu

Otatu mu indile, aamwameme,
amuhe mboka mu na Ondjalulamasiku
inaayi pwa po natango mu yi tu galulile kOstola
yOmambo kOniipa, mbala manga
Maalitsa inaagu pita.

Mefano pombanda omunangeshefa Tomas Nakambonde ngoka olwindji ha topola meliko lye nokugandjela koshilongatumo shono tashi longwa mongerki. Oye kuume ketu mokuhalitha nomokulesha Omukwetu.

OMUKWETU

Oshifo shOngerki onkwaevangeli paLuther yomOwambokavango
Die Nuusblad van die Evangeliese Lutherse Owambokavangokerk
Ohashi nyanyangidhwa mOniipa,
Omukuluntu gwoshifo/Hoofredakteur omubisofi Dr. Leonard Auala,
Amushanga/redakteur Rev. Sebulon Ekandjo
Ondando yoshifo komumvo muSuidwes-Afrika R1.00, kombanda yomafuta R2.00
Oondando nomambestelo naga tumwa kOmu-kwetu, Oniipa, P/B 2013, Ondangwa, S.W.A.

Omatseyitho gomuntu mwene pashinyolwa shuule
woondeimi 1 otashi futwa R1.00
oondeimi 2 otashi futwa R1.90
oondeimi 3 otashi futwa R2.70
oondeimi 4 otashi futwa R3.40
oondeimi 5 otashi futwa R5.00
Oto vulu okutuma wo efano lyaashono wa hale shi tseyithwe.

Owambokavango Church Press
P/B 2013, Ondangwa, S. W. A.



Pexulilo lodula ya dja ko omufitaongalo Abisai Shejavali ou te li hongo kuAmerika, okwa talelwapo komukulukadi waye kuku Selma nokashivelikadona kavo keedula nhatu. Mombilive a shangela kOngerki tate Shejavali ota ti kutya ova-neumbo laye ova fika nawa.